



保嬰全書

十六

特別
79
83
16



門武
號 83
卷 16



保嬰全書十六卷

明太醫院院使薛己著

跌仆外傷

傷損之症若色赤腫痛而血出不止者肝心
內熱也用柴胡梔子散色白不痛而血出不
止者脾肺氣虛也用補中益氣湯漫腫不消
者元氣虛弱也用五味異功散黯腫不散者
瘀血凝滯也用加味逍遙散肌肉作痛出血

保嬰全書卷十六

一

多而煩熱者血脫發躁也用獨參湯因亡血而煩躁不安者營衛俱傷也用八珍湯加柴胡牡丹皮久痛不止者欲作膿也用托裡散以指按腫而復起者膿已成也宜刺洩之膿出而反痛者氣血內虛也用十全大補湯若骨髀接而復脫者肝腎虛弱也用地黃丸如兼餘症當參各門治之

一小兒傷臂出血作痛面色青赤此因驚而散及間服八珍湯而垂愈後因飲食失宜發熱患處大潰出膿口噤振顫或瘰癧流涎余謂胃氣虛肝火內動先用獨參湯四劑仍如前朝服補中益氣湯夕服五味異功散加柴胡升麻元氣漸復佐以托裡散而瘡斂

一小兒傷指敷涼藥腫至手背膿出清稀飲食少思此血氣虛弱故也朝用異功散夕用托裡散膿水漸稠患處紅活又用八珍湯而

愈

一小兒傷臙青腫不消面色痿黃仍欲行氣破血余謂此因脾氣復傷血滯而不行也不信乃服破血之劑飲食不進寒熱如瘧余朝用補中益氣湯夕用八珍湯及葱熨法而愈一小兒臂傷潰而寒熱用八珍湯漸愈後因飲食所傷吐瀉不止搖頭咬牙此脾氣虛而肝邪內侮也用六君升麻柴胡而安又用十

火動也先用柴胡清肝散血止痛減次用托裏消毒散患處漸潰又用托裏散而愈後因其母多食膏粱之味又惡寒發熱腫痛色赤悞服敗毒之藥口噤流涎手足並冷余謂脾胃復傷而虛寒也先用六君子湯加薑桂數劑而元氣漸復又用五味異功散月餘而瘡口斂愈

一小兒傷指出血過多遂至昏憤口噤手撒

時搗此氣虛血脫也用獨參湯數劑而安又
用五味異功散及托裏散而愈

一小兒傷足潰腐肉白不斂此脾胃虧損而
血氣不能達於患處也先用五味異功散助
其胃次用十全大補湯益其營月餘而愈

一小兒傷足內潰成膿食少惡心此脾胃氣
虛而成痰也用六君子湯飲食頓進膿亦外
泄但體倦嗜熱朝用補中益氣湯夕用異功

全大補湯六君子湯而愈

一小兒閃足腫痛而肉色不變此陽氣虛弱
傷在骨也頻用葱熨法五更用和血定痛丸
日間用八珍湯數日後佐以六味地黃丸三
月餘而瘥

一小兒臂骨出髓接入腫痛發熱用葱熨法
及異功散加柴胡續斷骨碎補四劑又用補
中益氣湯而痊

一小兒閃足骨痛肉色如故頻用炒葱熨之
五更用和血定痛丸日間用四君芎歸數劑
後用地黃丸三月餘而瘥蓋腎主骨故用地
黃丸以補腎也

一小兒折臂出血過多發躁作渴面目色赤
脉洪大而數按之無力此血脫發躁也服當
歸補血湯而安遂令正體科續接服接骨丹
翌日睡而驚動此血尚虛也蓋血生於氣乃

用五味異功散加柴胡升麻當歸而安後手
足微搐眉唇微動此血虛而肝火內動也用
四君芎歸釣藤鈎柴胡漸愈却用托裡散八
珍湯而全愈血脫發躁若用四物之類復傷
脾氣多致不救設誤白虎湯其危尤速

一小兒跌傷臂骨出髓翌日接入腫痛發熱
不食用葱熨法其痛即止又用六君黃芪柴
胡桔梗續斷骨碎補而食進腫消又用補中

益氣湯加麥門五味數劑熱退而愈

一小兒十五歲傷腿內潰針出穢膿虛症悉具用大補之劑漸愈後因勞動手撒眼閉汗出如雨急炒熱艾頻熨臍腹及氣海穴更用人參四兩炮附子五錢作一劑水煎徐徐灌服良久臂能少動再劑眼開而能言惟氣不接續乃用參芪歸朮四味共八兩附子三錢水煎連進二服氣少復乃減附子又三劑元氣漸復後用獨參湯多服而痊

一女子閃右臂寅卯時發熱作痛余決其膽經血虛而火盛先以四物合小柴胡湯四劑而熱退更以四物湯加香附陳皮白朮茯苓各一錢山梔五分苓連甘草各三分二十餘劑腫消而愈

一小兒閃臂腫痛發熱惡寒飲食少思余謂脾胃氣虛而壅腫也朝用補中益氣湯夕用

保嬰全書卷十六
五
五味異功散間服八珍湯三月形氣漸克而愈

一小兒因跌傷脛漫腫作痛肉色如故服破血流氣之藥反增腹痛以手按之則痛少止余謂此因脾胃虛弱誤服破血流氣之劑而然非瘀血也未幾患處腫消色黯飲食不入腹痛尤甚手足厥冷余用人參一两附子一錢數劑脾胃漸復飲食漸進患處腫痛肉色變赤蓋始因元氣不足不能運及故腫消而色黯服藥之後元氣漸克故脛腫而色赤也次用大補湯托裡散三月餘而愈

一小兒閃臂腫痛面目天白恪服流氣飲之類益加腫痛余曰此形病俱虛之症也前藥所當深戒者彼謂腫痛為氣滯血凝非流氣飲不能疎導經絡非破血藥不能消散壅逆余言贅牙而前症益甚發熱煩躁始請余治

余曰元氣虛憊七惡蜂生雖盧扁亦不能起矣遂歿

一小兒傷臂腫痛內服外敷皆寒涼止痛之藥半載後潰而腫痛余謂此非托裏溫中不能生也不悟確守前藥以致血氣瀝盡而亡

一小兒跌腿青腫所服皆行氣破血之藥後骨髀內潰青腫益深朝寒暮熱余戒之曰此氣血俱虛甚矣非調補脾胃不可不信果歿

一小兒閃腰作痛服流氣等藥外腫不赤余曰此兒雖經閃肭然亦稟賦腎氣不足而使之者延久益虛恐為不治彼以迂緩視之後果不起

消腫定痛散治跌撲腫痛

無名異

炒

木耳

炒

大黃

炒各五分

右為末蜜水調塗腫處內有瘀血者砭去敷之患處潰者用當歸膏敷之尤效

經驗方治跌撲瘀血不散腫痛不止或筋骨
傷損疼痛

黃栢一兩

半夏

五錢

右各另為末用薑汁調塗患處以紙貼之
如乾再用薑汁潤之日易新藥

神效太乙膏治一切瘡疽潰爛

玄參

白芷

當歸

肉桂

赤芍藥

大黃

生地黄

各一兩

右咬咀用麻油四十兩入銅鍋內煎至藥
黑瀝去粗徐入淨黃丹一斤再煎滴水中
捻軟硬得中即成膏矣

迴陽玉龍膏又名抑陰散治跌撲損傷因敷
涼藥或人元氣虛寒腫堅不散潰腐不斂
及癰腫肉色不變或腫而不潰潰而不斂
筋攣骨痛一切冷症

方見敷寒涼之藥

乳香定痛散治杖瘡金瘡一切瘡瘍潰爛疼
痛方見作痛不止

猪蹄湯治一切癰疽杖瘡潰爛消腫毒去惡

肉潤瘡口

白芷

黃芩

當歸

羌活

赤芍藥

露蜂房

孔多者佳

生甘草

各五錢

右用猪蹄一隻水四五碗煮熟去油粗取

清湯入前藥煎數沸溫洗隨用膏藥貼之

跌仆内傷

傷損之症若腹中作痛按之痛甚者瘀血在
内也用加味承氣湯下之下後按之仍痛者
瘀血未盡也用加味四物湯調之按之不痛
者血氣傷也用四物加參芪白朮下後發熱
胸脇作痛者肝血傷也用四君加川芎當歸
下後惡寒者陽氣虛也用四君加炮乾薑下

後發熱者陰血傷也用四物加參朮牡丹皮
下後寒熱間作者氣血俱傷也用八珍湯加
柴胡欲嘔作嘔者胃氣傷也用六君加當歸
半夏有因乘怒跳躍而胸腹悶痛喜手按摸
者肝火傷脾也用四君加柴胡山梔畏手按
摸者肝血內滯也用四物加桃仁紅花胸脇
作痛飲食少思者肝脾氣傷也用四君加柴
胡丹皮若胸腹脹滿飲食不思者脾肝氣滯
也用六君加柴胡枳殼咬牙發搐者肝盛脾
虛也用異功散加川芎山梔釣藤鈎天麻若
用風藥則陰血益傷肝火益盛或飲糖酒則
腎水益虛肝火愈熾若用大黃等藥內傷陰
絡反致下血壯實者或成痼疾虛弱者多致
不起凡傷損之症有瘀血停滯於內者雖裸
體亦以手護腹脇蓋畏物觸之而痛也世俗
槩以內傷陰虛腹痛不辨虛實專用破血之

劑以速其危其得不死者亦幸矣

一 小兒跌仆腹痛作嘔惡心氣口脉大此飲食停滯也用保和丸二服吐出酸食惡寒發熱倦怠不食此脾胃傷也先用六君子湯次補中益氣湯間服而愈

一 小兒墜樓良久方甦呻吟不絕自以手護其腹此內傷瘀血停滯也用當歸導赤散二錢熟酒調下而呻吟頓止次用四物加柴胡牡丹皮而安

一 小兒跌仆瘀血腹痛用導滯散下之瘀血甚多隨作煩躁面赤作渴欲飲此血脫也用獨參湯而安又用四君當歸黃芪及五味異功散而愈

一 小兒因怒跳躍胃脇作痛或以為內傷瘀血服大黃之藥純下鮮血其痛益甚按之則痛止此肝脾氣血俱傷也用四君加芎歸四

劑而痛止又以異功散加升麻柴胡而飲食
進元氣漸復病亦隨愈

一女子因怒搥胃腹痛經行如崩作嘔不食
面色青赤兩關脉大而虛此肝經火動脾經
血傷也用加味道遙散二劑血止次用異功
散加柴胡升麻而愈後因復怒腹痛作瀉
青此肝木乘脾也用六君柴胡升麻而痊

一小兒因跌傷臂出血腹痛惡食嘔吐發搐
咬牙此因驚駭停食肝火內動而侮於脾也
先用保和丸二服嘔吐腹痛悉止又用異功
散加柴胡山梔發搐咬牙亦愈却用托裏散
患處潰而悉痊

一小兒跌仆發搐吞酸腹痛惡心寸口脉大
余謂此飲食內傷也不信服當歸導滯散連
瀉五次目直咬牙手足厥冷此脾胃之氣復
傷而木火內動也用五味異功散加乾薑一

劑稍緩又二劑漸愈乃去乾薑加柴胡再服而全愈

一小兒跌仆因服大黃之藥下血發熱腹痛嘔吐按其腹却不痛用五味異功散加當歸升麻二劑腹痛頓止又二劑而血止又二劑而熱止又二劑而元氣復

沒藥丸治打撲傷損作痛等症筋骨疼痛或氣逆血滯肚腹胸脇脹悶

沒藥 乳香 川芎

川椒 芍藥 當歸

紅花 桃仁 血竭各一兩

自然銅四錢火煨醋淬七次

右為末用黃蠟四兩鎔化入前藥急攪勻丸彈子大每服一九酒一鐘煎化服

復原通氣散治打撲傷損作痛及乳癰便毒初起或氣滯作痛尤効

木香

茴香炒

青皮

川山甲

炙酥

陳皮

白芷

甘草

漏蘆

貝母

各等分

右為細末每服一二錢溫酒調徐徐服

加味芎藭湯治打撲仆墜筋骨疼痛血瘀皮膚不破入胃作嘔或為嘔血

芎藭

當歸

百合

水浸半日

白芍藥炒

荊芥蕙各二錢

石作二三劑酒水煎服

當歸導滯散治跌撲瘀血在內胸腹脹滿或大便不通作喘吐血

大黃

當歸各等分

右為末每服一二錢溫酒調徐徐服

黑丸子

一名和血定痛丸

治跌撲仆墜筋骨疼痛瘀

血不散壅腫作痛或風寒所傷肢體疼痛若流注鶴膝風初起服之自消如潰而膿

清發熱者與補氣血之藥自飲

方見流注

舌斷唇傷

凡舌斷者須乘熱接上急用雞子輕擊周圍去硬殼取膜套舌上以洪寶丹敷膜上自然接續若良久舌已冷不必用接但以洪寶丹敷之其舌自生

所斷唇舌雞子膜含護恐風寒傷之外症若寒

熱作痛用四物加柴胡補熱作痛加地骨皮

倦怠少食用四君加芎歸柴胡惡寒少食用

托裏散加參芪若煩渴發熱用當歸補血湯如不作痛但用四君之類以健脾則肌肉自生旬餘可愈不宜用辛熱之劑恐助火而益其痛也

一小兒舌斷半寸許敷洪寶丹服四物加柴胡痛定血止次服四君加柴胡山梔月餘而舌自完

一小兒十四歲疫病愈後嚙舌出血先君謂

傷嬰全書卷十六
十一
腎虛則嚙舌用地黃丸而愈後唾血咳血發熱痰盛仍用前丸而瘥

一小兒唇傷出血不止以藥止之唇面腫大揭去其藥出血甚多腫亦頓消用托裏之劑及當歸膏患處潰而愈

一小兒唇傷腫痛發熱服清熱止痛之劑連瀉二次眉目搐動服祛風等藥手指俱冷手足搐動余謂脾土被肝木所侮用異功散加升麻柴胡半夏手溫而搐止仍用前藥佐以托裏散而愈

一小兒跌傷唇口發搐咬牙驚哭腹痛此出血過多肝火內動所致也用四物加柴胡山梔而安但焮痛至面此患處欲作膿耳用托裏散四劑頭目腫痛其脉滑數此膿已成氣虛而不能潰出也又用托裏散二劑膿出腫消若初傷時不遽用收斂瘡口之藥則無此

患也

一 小兒傷唇出血發痛目直用柴胡梔子散
一 刺其痛稍定但傷處焮痛外傳洪寶丹內
服逍遙散而愈

一 小兒跌傷面腫連唇頰出血焮痛發熱以
花蓋石散敷之血止痛定次用當歸補血湯
而發熱頓止又用加味道遙散八珍湯而潰
托裏散而斂

洪寶丹

一名濟陰丹

治傷損焮痛并接斷

天花粉

三兩

薑黃

白芷

赤石脂

各一兩

右為末茶湯調搽患處

一方用亂髮燒灰敷舌上接之又治擦落耳
鼻乘熱蘸之接上即愈亦須口含以防其
冷

當歸補血湯治杖瘡金瘡血氣損傷或妄服

峻劑致血氣俱虛肌熱大渴引飲目赤面紅晝夜不息其脉洪大而虛重按全無經曰脉虛血虛脉實血實蓋血虛發熱是也証似白虎湯惟脉不長實為辨耳若誤服白虎湯必死此病多得於饑飽勞役者方見

四物湯治一切血虛發熱或因失血太多或

熱實氏太過或潰後發熱煩躁不安並宜服

之方見腋癰

柴胡梔子散方見脇癰

花蓋石散方見後

八珍湯

加味逍遙散二方見發熱不止

托裏散方見熱毒瘡瘍

腦骨傷損

腦骨傷損者用輕手搏令端正剪去其髮若

花蓋石散

皮不破敷黑龍散或葱熨法皮破則填乳石散以絹帛包之不可見風着水更用葱杵爛炒熱頻罨患處為佳

一小兒傷腦出血過多發熱煩躁肉瞤筋惕殊類風症欲作風治余曰無風可祛無汗可發法當峻補其血遂用聖愈湯二劑而安又用養血之劑而愈

一小兒傷腦腫痛出血外敷花蓋石散內服八珍湯而安後揭瘡痂出血碗許手足發搐寒熱痰盛此血虛兼驚肝火內動而生風也令服地黄丸及加味逍遙散而愈

一小兒傷脛骨出血腫痛惡寒少食睡中發搐先用異功散飲食漸進又用逍遙散發搐頓止再用歸脾湯母子竝服而愈

一小兒被傷手足發搐頓悶咬牙飲食不思此肝經血虛火動生風脾土受侮而然耳用

地黃丸異功散諸症漸退用八珍湯托裏散
瘡漸愈

一小兒被傷面青懶食時作腹痛以手按腹
却不痛余以為脾氣內傷而然不信妄服攻
血之藥果吐瀉作嘔手足竝冷余先用六君
加柴胡升麻生薑又用托裏散異功散而愈
一小兒腦側近耳被傷寒熱作痛潰後不斂
恪服止痛清熱之劑余曰寒熱作痛因肝經

氣血虛也潰而不生肌肉脾經氣血虛遂用
地黃丸異功散加歸芪諸症漸愈又用托裏
散而斂

謙甫花蓋石散治一切金刃箭鏃打撲傷損
或死者急搽傷處其血如入臟二便不通
用童便和水煎入酒少許調服立効若腹
破腸出急宜內入以桑白皮為線縫合搽
圍瘡上如瘡乾以津潤之

硫黃

明淨者

花蕊石

一斤

右為末拌勻入瓦罐內用紙筋和泥固濟候泥乾漸添火煨至通紅經宿取出細研磁器盛用

加味逍遙散治傷損血虛內熱發熱或遍身搔痒寒熱或肢體作痛頭目昏重或怔忡頰赤口燥咽乾或發熱盜汗食少不寐或口舌生瘡耳內作痛或胸乳腹脹小便不

利

方見發熱不止

聖愈湯治杖瘡金瘡癰疽膿血出多熱躁不

安或晡熱作渴等症

方見出血不止

十全大補湯治杖瘡瘀穢已出氣血俱虛腫痛不消或腐而不潰潰而不斂或惡寒發熱自汗盜汗飲食少思肢體倦怠若怯弱之人患處青腫肌肉不壞者服之自愈若有瘀血砭刺早者服之自消或潰而膿水

清稀肌肉不生或口乾作渴而欲飲湯或
破後發熱惡寒頭痛目暈口乾作渴有似
中風之症皆屬氣血虛也並宜服之即四君四

物加肉桂黃芪

八珍湯

一名八珍湯

治傷損等症失血過多或誤

服尅伐之劑血氣耗損惡寒發熱煩躁作
渴或瘡瘍因氣虛腫痛不消不能潰斂或
潰瘍惡寒發熱膿水清稀久而不愈即四君

物

黑龍散治跌撲傷損筋骨碎斷先端正其骨
以紙攤貼若骨折更以薄木片踈排夾貼
却將小繩緊縛三日再用前法勿去夾板
恐搖動患處至骨緊牢方不用板若被刀
箭蟲傷成瘡並用薑汁和水調貼如口破
以玉珍散填塗

川山甲

六兩炒黃或煉存性

枇杷葉

去毛入半兩一

云山批
杷根

右為末薑汁水調或研地黃汁調亦好

地黃丸 方見作渴不止

腹破腸出

腹破腸出者急復納入以麻縷縫合外敷花
蓋石散如脂已出急以手取去而縫之如已
出而復推入則內潰害命矣若腸出乾燥者
煮大麥粥以汁洗濕推入不時少以米粥研

和食之二十日外始可薄粥百日後乃差切

勿令驚驚則殺人矣 用桑皮
線尤佳

一小兒持碗跌仆腹破腸出即納入以麻線
縫完敷花蓋石散而愈

一小兒持刀而戲仆地刀入腹腸屎並出不
救 因腸破故
不救也

一小兒傷腹發熱作嘔焮痛外敷內服皆止
痛清熱之劑日晡益甚余謂脾經氣血益虛

朝用補中益氣湯夕用四物參芪歸朮諸症
漸愈乃用托裡散瘡口自斂

一小兒脇傷成瘡膿清不斂寒熱發渴余朝
用補中益氣湯培益脾氣夕用六味地黃丸
滋補肝血漸愈却用托裡散異功散而肌肉
自生

一小兒傷腹血出發熱煩燥先用當歸補血
湯而安却用聖愈湯患處頓愈又用托裡散
八珍湯而全愈

花蕊石散 方見前

益氣湯 方見肌肉不生

托裏散 方見熱毒瘡瘍

池黃丸 方見作渴不止

當歸補血湯 方見發熱不止

聖愈湯 方見出血不止

陰囊被傷

陰囊皮破出血作痛者敷當歸膏初傷出血不可驟止之血瘀於內則作膿或傷口原小血出不盡而內潰甚至畢丸露出或陰囊盡潰者內服托裏之劑外敷當歸膏則囊自生其外傷腐潰及內傷瘀血作膿者皆同囊癰治之惟畢丸碎者不治

一小兒傷陰莖出血作痛寒熱發搐咬牙頓悶唇口牽動手足時冷欲用破傷風藥余謂出血諸症肝經主之唇動諸症肝木侮脾土也遂用異功散加升麻柴胡天麻治之頓愈

一小兒陰囊被傷腫痛不愈朝寒暮熱飲食少思余謂脾胃復傷之症當用參朮歸芪等藥治之不信別用清熱之藥果作瀉欲嘔手足並冷余先用六君加柴胡升麻而漸愈又用異功散加柴胡升麻而全愈

一小兒持碗仆地誤傷陰囊畢丸露出血出

不止寒熱時搐此肝經血虛而火動耳隨敷
當歸膏服柴胡清肝散加熟地黃芪及六味
丸而愈

一小兒被竹篾傷破陰囊出血甚多腹痛發
搐咬牙流涎七日矣氣口脉大於人迎二三
倍此因驚停食也切忌風藥余用五味異功
散加柴胡鈞藤鈞而安凡傷損之症小兒患
之多有夾驚夾食者夾食則氣口脉大於人

迎或作嘔吐吞酸腹痛瀉穢等症夾驚則左
關弦洪而軟或作頓悶咬牙目直項急等症
日久不治若成破傷風疾則禍在反掌之間
矣

一小兒陰莖被傷斷而皮相連寒熱作痛血
出不止余謂急當剪去調補肝腎二經則熱
自安痛自止矣遂用補中益氣湯加麥門五
味子而愈

一 小兒因跌小腹皮破服破血之劑陰囊脹腫作痛發熱按其腹却不痛余謂當用補血之藥不信遂致不起

補中益氣湯 治跌撲等症傷損元氣或過

用尅伐惡寒發熱肢體倦怠或潰後血氣虛弱不能生肌收斂或兼飲食勞役頭痛身熱煩躁作渴脉洪大弦虛或微細濡弱自汗飲食少思尤瘡瘍虛損之聖藥也方見

肌肉不生

柴胡清肝散 方見脇癰

地黄丸 方見作渴不止

金木所傷

傷損之症皆肝經主之若青腫不痛或腫不消者氣血虛弱也用十全大補湯血出腫痛或作寒熱者血傷而肝火內動也用四物柴胡山梔血出不止或發寒熱者氣虛而肝火

內動也用四君芎歸柴胡寒熱而內痛益甚者此欲潰膿也用參芪內補散若膿出而反痛者氣血虛也用八珍湯瘡口赤而肉突者血虛而肝火生風也用柴胡梔子散若膿出不止瘡口白而肉突者氣虛而寒邪外凝也用補中益氣湯若膿潰而仍痛或潰而不斂皆脾胃虛弱也用六君子湯若不固元氣或敷服寒涼則肉黯不潰或潰而不斂多感敗症矣可不戒哉

一小兒傷手腫不消日出膿水少許飲食不思發熱惡寒面色痿黃此脾胃氣虛也朝用補中益氣湯夕用五味異功散加升麻月餘漸愈因飲食停滯服剋伐之劑患處漫腫更作嘔惡寒余謂脾胃復傷用六君子湯加升麻柴胡治之而愈

一女子因怒仆復傷患處出血經行不止臂

面青赤右關脉弦數此肝脾二經火動不能
統攝其血也先用小柴胡湯二劑又用加味
逍遙散二劑血止而安

一小兒傷內臟成瘡色黯久而不愈此肝脾
氣血虛也先用補中益氣湯後用八珍湯加
柴胡升麻漸愈再用地黃丸而全愈

一小兒傷臂成瘡久而不愈寒熱作渴瘡口
青白不合膿水時流先用參芪歸朮寒熱漸
愈又用托裡散患處色和再用十全大補湯
而愈

一小兒傷足成瘡外傳寒涼藥內服敗毒散
久不潰腐余謂至陰之處血氣罕到又服剋
伐之劑所以難腐也雖腐而不能斂也遂用
托裡散加肉桂數劑稍知痛而色漸赤減桂
又數劑而潰因飲食過多連瀉二日乃用五
味異功散加升麻柴胡而瀉止仍用托裡散

而愈

一女子十五歲傷手成瘡日出清膿少許日晡發熱此元氣虛也先用五味異功散加當歸升麻月餘元氣漸復乃用加味道遙散及八珍湯異功散而愈

一女子十四歲修指甲誤傷焮痛妄傳寒涼及服敗毒之藥遂腫至手背肉色不變余先用內消托裡散手背漸消次以托裡散為主

八珍湯為佐服兩月餘而愈其時有同患誤傷成瘡不固元氣專攻其傷者俱至不起

沒藥降聖丹治傷損筋骨疼痛或不能屈伸及外邪內傷筋骨緩縱皮肉刺痛肩背拘急身體倦怠四肢無力

沒藥 另研

當歸 酒洗炒

白芍藥

生地黄

骨碎補

搗去毛

川烏

去皮臍

川芎

各一兩半

自然銅

火煨醋淬十二次研末水飛淨一兩

右為細末以生薑自然汁與煉蜜和丸每一兩作十九丸每服一丸槌碎用水酒各半鐘入蘇木少許煎至八分去蘇木空心服
萬金膏治傷損筋骨疼痛

龍骨

鱉甲炙

苦參

烏賊魚骨

黃栢

黃芩

黃連

猪牙皂角

白芨

白欵

厚朴

木鱉子仁

草烏

川芎

當歸

白芷

沒藥另研

乳香另研各半兩

槐枝

柳枝各四寸長二十一條

清油四斤

黃丹一斤半炒過淨

右除乳沒黃丹外將諸藥於油內慢火煎黑色去粗每油一斤入丹半斤不住手攪令黑色滴水中不粘手乃下乳沒再攪如硬入油些少以不粘手為度

接骨散治骨折碎或骨出髓先整端正却服此藥飛禽六畜所傷亦能治之

鵬砂 一錢五分

水粉

當歸 各一錢

右為末每服二錢煎蘇木湯調服後但飲蘇木湯立効

又方皮破筋斷以膠香塗之或以金沸草汁頻塗自然相續

生葱 切斷一方生薑

土當歸

右煎湯温洗或止用葱一味煎洗亦可

潔古沒藥散止血住痛

定粉

風化灰

各一兩

枯白礬

三錢

乳香 半錢

沒藥

一字

右為末搽之

寒上治撲損瘀血在內煩悶以熱酒調服蒲

黃二錢

勝金丹治肌膚傷損青腫用茄子通黃極大

者切如指厚新瓦上焙乾為末臨卧酒調服二錢一夜消盡無痕跡也

肘後治骨節傷損瘀血不出生鐵一斤酒三升煎取一升飲之若肝經實熱血瘀則肝木自甚或兼口眼牽掣手足抽搐者宜用生鐵藉其金氣制之若血虛肝燥生風宜用四物柴胡鈞藤鈞補而清之若肝氣本虛金來尅木宜用瀉白散以清肺六味丸以補肝若腎虛不能生肝亦用六味丸以滋腎水生肝木不可驟用

本事內消散治打撲傷損及一切癰腫未破

生地黄

研如泥

木香

各等分

右以地黄膏隨腫大小攤紙上摻木香一層又依前攤地黄貼腫上三五度即愈

治金瘡出血不止以五倍子為末乾貼即止

神効

又方用石灰韭菜石榴寄奴五倍之類乃澁
滯收斂止血之劑氣血未耗內無火者用
亦有效若血虛內熱宜犀角地黄湯之類
凡金瘡出血不止素怯弱者當補氣素有
熱者當清血有怒氣者當平肝煩熱作渴
昏憤不寧者當補脾氣筋攣搐搦者當養
肝血不應用地黃丸以滋腎水自愈

治針入肉不出用臘螻蛄槌爛塗上或礞黃
為末以紙覆之覺痒時其針即出用雙杏
仁搗爛以車脂調敷以紙貼之二日一換
三五次或烏翎三五枚炙焦為末醋調塗
之或用白梅入水研爛調象牙末傅之或
以象牙和敷之其針皆即出

治魚刺入肉嚼吳茱萸封之自爛出
丹溪治破傷風血凝心針入肉游走三症用
生寒水石為末調塗之其痛立止

補中益氣湯治跌撲等症損傷元氣或過用
尅伐惡寒發熱肢體倦怠或潰後血氣虛
弱不能生肌收斂或兼飲食勞倦頭痛身
熱煩躁作渴脉洪大弦虛或微細濡弱自
汗飲食少思瘡瘍氣血損之聖藥也
方見肌肉不生

神應葱熨法治跌撲傷損腫痛用葱頭細切
杵爛炒熱敷患處如冷易之再熨腫痛即
止其効如神

二味參蘇飲治出血過多瘀血入肺面黑喘
促

人參 一兩 蘇木 二兩

右每服五錢水煎服

桃仁承氣湯 加當歸即歸承湯 治傷損血滯作痛或

發熱發狂等症

桃仁 研 芒硝 甘草 各一錢

大黃 酒蒸二錢

右作二劑水煎更量虛實用之

復元活血湯治從高墜下惡血流於脇肋疼

痛不已

柴胡 五錢

當歸 三錢

甘草

川山甲

大黃 酒浸一兩

桃仁 去皮尖五

紅花 一錢

瓜蒌仁 二錢

右每服一二錢水酒煎五分熱服以利

度利後痛或不止服乳香神應散

消毒定痛散治跌撲腫痛

無名異 炒

木耳 炒

大黃 炒各五分

右為末蜜水調塗如內有瘀血砒去敷之

腐處更用當歸膏敷之尤可

藥蛆方治傷損成瘡潰爛生蛆用皂礬煨過

為末乾摻其內蛆即死

參芪內補散

人參

黃芪

當歸

白朮

各一錢

白芷

防風

各四分

川芎

六分

肉桂

甘草

炒各五分

右水煎作二三服

八珍湯

方見發熱不止

十全大補湯

方見便難

葱熨法

方見流注

四物湯

方見腋癰

六君子湯

四君子湯

二方見腹癰

柴胡梔子散

小柴胡湯

二方見脇癰

逍遙散

方見發熱不止

地黃丸

方見作渴不止

托裡散

方見熱毒瘡瘍

五味異功散

方見用敗毒之藥

漆瘡

夫漆屬木木生火而能剋土惟脾虛之人多染之若遍身浮腫或嘔吐者用小柴胡湯加白朮陳皮茯苓若遍身或面目作痒者用前胡湯加連翹山梔若膿水淋漓或痒或痛者用柴胡山梔散若嘔吐不食或泄瀉腹滿者用四君升麻其外治之法當用鐵秀末調搽或蟹黃塗之或用麻油或浸芒硝淋塌患處或礬石末紫蘇末擦之或人乳汁潤之或無名異末水調敷或用好花椒煎湯洗之或生薑汁敷之或乾荷葉濃煎湯洗之並効

風犬傷

附蛇蟲痛傷

丹溪衍義云犬屬陽其性熱大抵熱極生風風熱相搏則為顛狂驚駭之狀此物理之自然者今人治風犬咬傷反以巴豆斑蝥等燥熱之劑瀉毒從小便出如犬之形狀殊不知

以熱濟熱血被傷而然非犬之毒也切宜慎
之余見吳中凡被犬傷或出血發熱者輒服
斑猫巴豆等藥或至發搐咬牙即以為毒甚
服之益堅遂致殞喪殊不知凡被傷受驚之
症皆肝經所主肝屬木木生火火生風故發
搐咬牙之疾被犬驚傷所致為多不必風犬
為然也若為風邪所襲牙關緊急腰背反張
宜用定風散童便調服更以漱口水洗淨傷
處搽之若出血不止用燈草貼之其有他症
從破傷風法治丹溪之戒不可不知若真為
獒犬所傷則斑猫巴豆之藥亦當暫用蓋以
毒攻毒理勢自然毒既內中非此不去但病
去即止便與調補可保無虞不宜確服耳大
凡獒犬之狀必吐舌涎尾垂眼赤誠為易
辨其被傷病甚之時必作犬吠亦自不同不
可一槩施治也

一 小兒犬咬出血抽搐痰盛敷玉珍散服抱龍丸而愈

一 小兒素怯弱犬咬出血惡寒發熱過服斑
猶之藥殊類破傷風與玉珍散敷之服十全
大補湯倍加釣藤鈎而愈

一 小兒被犬傷面青發搐咬牙此因驚所致
或謂風犬致傷用斑猫等藥而效

一 小兒犬傷牙關緊急兼熱發搐余以為急
驚風不信乃服斑猫等藥而效

一 方治風犬咬用斑猫七箇去頭翅足將糯
米一撮同炒米黃色為度為末空心用水
調服

又法用朱砂雄黃各五錢為末空心香菜油
調下

玉珍散 一名奪命散 治傷損傷風頭疼角弓反張

天南星 燒 防風 去蘆梗 各等分

右為末凡破傷風病用藥傅貼瘡口即以
溫酒調下一錢服之如牙關緊急童便調
服二錢垂死心頭溫者急服三錢用童便
一盞煎服

治蛇蝎蜈蚣等惡蟲所傷用大蒜切片置痛
處以艾壯灸之毒氣頓解痛即止

又方用白礬於燈上燒汁滴於痛處或用貝
母末酒調服之神效或用南星末醋調上
擦之或黃蠟燒滴患處亦妙

治蛇入人竅用艾灸蛇尾即出又法以刀破
蛇尾少許入花椒自出即用雄黃朱砂為
末煎人參湯調灌之內毒即解用白芷末
或貝母末酒服尤效

治蛇纏人身不解以熱湯淋之或就以身卧
倒滾轉亦可解

治蛇骨刺人毒氣作痛燒鼠屎為末敷之或

食熱酒大蒜亦効

治蜈蚣入咽中被咬未死殺雞血灌之更灌以香油探吐血蟲並出

治誤吞水蛭用田中乾泥一塊小死魚三四箇去頭骨和巴豆十粒去殼研爛入泥為丸菘豆大用田中冷水吞下十丸小兒三五丸瀉出却以四物湯加黃芪煎服以生血氣自愈

治蠅虻尿射人生瘡如粟粒四圍赤中有白汁令人惡寒壯熱匝身即磨犀角汁塗之或燕窠中土猪脂苦酒敷之立効鹽湯浸洗亦可

治蜘蛛咬一身生癩羊乳一味飲之

治蚯蚓呵陰囊腫脹及咬人甚者如大風狀眉髯脫落夜聞蚯蚓之聲鳴於身濃煎鹽湯浸洗即安

治蝮蛇咬用石灰醋和塗之

治毒蟻螫人用雄黃一錢麝香五分研細生麻油調塗之

治蛇蟲刺人用猪牙中垢塗痛處

治蝎螫人用青麻心以手按解取汁塗之
治諸蟲入耳用猪肉炙香置耳邊蟲聞香即出如蟲死在耳中用細蘆筒或鵝翎管令人吸出之

瘡瘍發瘕

瘡瘍發瘕因氣血虧損外邪所搏或內虛鬱火所致其症牙關緊急四肢勁強腰背反張肢體抽搐有汗不惡寒者名曰柔瘕風傷衛故有汗也無汗而惡寒者名曰剛瘕寒傷榮故無汗也皆因亡血過多筋無所養傷寒汗下過多及潰瘍產後者多患之此乃敗症也若大補氣血多有復生如作風治速其危矣

况在嬰兒尤難調理宜審其稟賦及乳母所致者而治之

一小兒瘡潰後患此形氣殊倦用十全大補湯二劑稍緩佐以補中益氣湯數劑而痊

一小兒患瘰癧變瘰面青或赤此脾經血虛而有熱也用八珍湯加柴胡牡丹皮熱汗漸止又用十全大補湯寒熱漸止又用托裡散附子餅而愈後傷食服尅伐藥仍發瘰手足

如冰余用人參理中丸五味異功散而愈

一小兒感冒發散變瘰汗出不止手足並冷用補中益氣湯加肉桂四劑而愈

一小兒金刃傷脚面出血過多口噤目直此出血過多肝火內動而變症用四物參朮鈞藤鈎四劑其勢稍定又用五味異功散加當歸柴胡變症悉愈又用托裡散八珍湯患處潰而痊

一 小兒傷手出血煩躁口噤昏潰氣息奄奄
先用東垣聖愈湯而安又用托裡散而潰佐
以八珍湯而斂

一 女子十五歲傷手指出血口噤如瘕脉浮
數肝脾為甚先用加味歸脾湯四劑稍緩又
數劑漸甦却佐以加味逍遙散月餘而甦却
用歸脾湯為主八珍湯為佐而愈此等症候
用祛風化痰之藥而死者不可枚舉

十全大補湯 方見便癰

補中益氣湯 方見肌肉不生

人參理中湯

五味異功散 方見用敗毒之藥

附子餅 方見貼骨癰

托裡散 方見熱毒瘡瘍

歸脾湯 方見脇癰

八珍湯

加味逍遙散

二方見發熱不止

破傷風

察古云風症者善行而數變入臟甚速死生反掌之間耳急宜分表裡虛實而治之邪在表者宜羗活防風湯半表半裡者頭有汗而身無汗宜羗活湯傳入者甚則舌強口噤項背反張筋惕搐搦痰涎湧盛胸腹滿悶或便溺赤閉時或汗出其脉洪數而弦者宜大芎

黃湯然其汗初出者由風熱鬱甚於裡故表熱稍解腠理疎而汗出也宜除熱散結若熱已退臟腑已和而汗仍出者表虛也以白朮防風湯實其表牙關緊急者須擲開口灌之更不時灌以粥飲然小兒患之多因夾驚肝火內熱生風所致夫肝主五色屬木生風察其面色入肝為青入心為赤入脾為黃入肺為白入腎為黑肝經者用柴胡清肝散心經

者用梔子清心散加黃連腎經者用地黃丸
加柴胡脾經者用六君加柴胡山梔為主而
佐以大補脾胃之藥為善

一小兒十四歲患瘰癧因勞心功課頭痛發
熱自以為傷風用薑蔥發汗忽腰背反張口
噤不語脉浮大按之如無此氣血虛極而變
瘰非破傷風也灌十全大補湯一劑良久方
甦又數劑而愈後又勞復厥冷汗出如注良
久不省用前湯加附子五分一劑而甦八
附子服至三十餘劑而愈

一小兒患流注面色痿黃忽舌強口噤脉洪
大而虛按之如無此脾肺氣虛而變之也先
用補中益氣湯四劑稍緩又用十全大補湯
數劑而痊

一小兒臀癰久不收斂因驚發搐口噤用托
裡散內參朮各用三錢柴胡五分鈞藤鈞一

錢五分四劑而安後停食驚駭目直發搐口
噤流涎手指逆冷用五味異功散此肝木旺
脾土受侮飲食內作而然用五味異功散加
釣藤鈎木香乾薑而甦

一小兒潰瘍變瘰如前面色青赤此心肝二
經血虛而有熱也先用八珍湯加柴胡牡丹
皮稍定又用加味道遙散加五味子漸愈又
用八珍湯而安

一小兒潰瘍忽汗出不止手足並冷先用補
中益氣湯加肉桂五味子數劑諸症漸愈又
因飲食過多口噤作嘔用異功散加升麻四
劑而安

一小兒十六歲癩瘡久不斂因過勞口噤目
直脉洪數左關脉弦而無力余謂肝經氣血
虛而火內動也用地黃丸料四劑而安却用
補中益氣湯以補脾肺用地黃丸以補腎肝

為主佐以九味蘆薈丸以治肝疳而瘰瘡愈
一小兒十六歲流注久不愈因勞兼怒忽仆
地昏憤殊類破傷風面色皎白無氣以動用
補中益氣湯內用人參五錢加肉桂一錢不
應加乾薑一錢又不應此陽氣虛甚藥力不
能勝之也急加附子一錢稍定乃去附子服
十餘劑而元氣漸復却佐以八珍湯豆豉餅
半載而痊畢姻後因入試場勞傷元氣前症
復發亦類破傷風脉浮大按之如無用參附
湯四劑而甦八珍湯地黃丸料各百餘劑而
痊

羗活防風湯治破傷風初病邪在表者急服
此藥以解之

羗活

防風

甘草

炙

川芎

藁本

當歸

芍藥

各四兩

地榆

細辛

各一兩

右每服五錢水煎熱服

防風湯治破傷風表症未傳入裏急服此

防風

羌活

獨活

川芎

各等分

右每服五錢水煎調蜈蚣散火効

蜈蚣散

蜈蚣

一對

鱉

三錢

右為末防風湯調下

羌活湯治破傷風半表半裡者急宜服此

羌活

菊花

麻黃

川芎

石膏

煨

防風

前胡

黃芩

細辛

甘草

枳殼

白茯苓

蔓荊子

各一兩

薄荷

白芷

各五分

右每服五錢生薑水煎日二三服

地榆防風散治破傷風在半表半裏頭微汗

身無汗不可發汗表裡兼治

地榆

防風

地丁草

馬齒莧

各等分

右為末每服三錢溫米湯調服

大芎黃湯治破傷風在內急宜服此湯踈導

之

川芎

羌活

黃芩

大黃

各一兩

右每服五錢水煎溫服以臟腑通和為度

白朮防風湯治表藥過多有自汗者

白朮

黃芪

各一兩

防風

二兩

右每服五七錢水煎溫服無時臟腑和而

自汗者可服此藥若臟腑秘小便赤自汗

者宜速下之用大芎黃湯

白朮湯治破傷風汗不止筋攣搐搦

白朮

葛根

各二兩

升麻

黃芩

芍藥

甘草

二分

右每服五錢水煎服無時

玉真散治破傷風

方見風犬傷

白丸子治一切風疾壅盛手足頑麻或牙關

緊急口眼歪斜半身不遂等症

半夏

七兩

川烏

去皮臍生用五錢

南星

二兩

右為末用生薑汁調糊丸桐子大每服一

丸空心薑湯下余承乏留都各局用此丸

及阿膠俱自製但要藥味真正白丸子如

急備用不及浸內烏頭以火畧炮用之亦

効

瘈瘲

瘈者筋脉急也瘲者筋脉緩也急則引而縮

緩則瘈而申或縮或申動而不止是也俗又

謂之發搐凡癩癩風瘈破傷風三症皆能瘈

癢則有瘡口潰腐出血然潰瘍傷損者多患
之若血氣虛肝火內動生風者用八珍黃芪
釣藤鈎佐以地黃丸料如未應專補胃氣肝
經血燥生風者用羚羊角散加釣藤鈎山梔
若肝火血燥用加味道遙散加釣藤鈎未應
須鯁服六味丸以補腎水而生肝木若因乳
母有鬱怒肝火致兒為患者須調治其母仍
參五臟相勝而治之

一女子癩癧癩癧服鎮驚之藥面色黃赤呵
欠咬牙余謂肝經氣虛血弱而火動生風用
五味異功散加柴胡升麻而愈後因怒復作
面赤目直大叫項強關脉洪數先用抑肝散
次用地黃丸而愈

一小兒十四歲患此鯁呵欠咬牙手欲尋衣
所服皆祛風之藥余謂肝經之血復傷矣當
用地黃丸以滋腎水而生肝木不信專於祛

風化痰虛症蜂起昏憤如醉此胃氣大虛五臟無所資而然也以四君子湯內用人參一兩一日併進三劑雖甦而無氣以動至十三劑却佐以地黄丸料每劑加黃芪五錢又二十餘劑乃愈次年畢姻不月而復發亦用前藥而瘥

一小兒潰瘍後瘳瘵因服牛黃丸反加四肢無力項強目直唇白流涎手足厥冷求治於余余曰經云脾之榮在唇口又云脾主四肢又云脾主涎此因前藥妄下胃氣復傷肝木侮土以致前症也當先救胃氣以養五臟因衆議不一尚未用藥翌早果咬牙呵欠困卧驚悸哽氣短氣面色眈白始信余言遂先用五味異功散次用補中益氣湯而愈

一女子瘳瘵將愈因勤於女紅忽作瘳瘵此胃氣未實而勞傷筋脉耳用補中益氣湯及

五味異功散俱加釣藤鈎而愈後勞役怒氣
經行顫振用加味逍遙散及補中益氣湯俱
加釣藤鈎而愈

一小兒仆傷潰後患前症面青或赤服風痰
之藥咬牙目直仍欲治風余曰凡傷損之症
皆肝主之故面色青而瘈瘲咬牙目直皆屬
肝經血氣虧損風木翕合火動而生風也無
風可祛無痰可逐遂用地黃丸及補中益氣

湯而愈

一小兒跌傷腫出血誤服大黃等藥患前症
或時煩躁自汗手欲撮空此因肝經血虛肝
火熾盛耳用地黃丸補中益氣湯而愈

方見前
各症

顫振

顫振與瘈瘲相類瘈瘲則手足牽引或伸或
屈顫振則但顫動而不伸屈也內經云因胃

氣不實諸脉空虚行陰用不復因其所在補肉分間然小兒瘡瘍潰腐或損傷膿血出多屬脾胃氣虛血弱用補中益氣湯五味異功散加白朮當歸升麻主之肝經虛熱用六味丸脾血虛弱用四君子加芎歸胃氣虛弱用補中益氣湯

一小兒腿癰內潰出膿碗許即時顫振面白汗出此陽氣虛脫非大補不可也遂用人參一兩煎服之汗愈甚手足並冷再用人參二兩乾薑二錢煎服良久汗乃稍止再劑諸頓愈却用補中益氣湯加人參五錢數劑而愈

一小兒臂癰潰後顫振少氣脉浮數按之不鼓此元氣虛弱也朝用補中益氣湯夕用異功散各二十餘劑未見効因虛甚而功力未能及耳又用前藥各二十餘劑顫漸愈後佐

以托裡散而瘡亦痊

一小兒十六歲臂癰潰而顫振遂用大補中
氣之藥而顫止因勞發熱癰內潰而復顫脉
浮數按之不鼓兩寸脉短小不及本位或欲
祛風余曰長則氣治短則氣病此由胃氣虛
甚故也先用獨參湯數劑稍愈乃佐以補中
益氣湯各五十餘劑而愈若加附子一片數
劑亦可愈矣

一女子十六歲臂腫一塊肉色不變按之則
痛服敗毒流氣之劑更加發顫時孟春面戴
陽光手不畏寒脉浮數按之不鼓而短彼欲
攻毒余曰此榮衛虛弱外寒所搏而為患也
又加敗毒胃氣虧損豈不加顫耳遂用人參
五錢黃芪三錢當歸熟地各二錢升麻柴胡
各五分二十餘劑而顫稍緩乃佐以補中益
氣湯內用人參五錢又二十餘劑兼葱熨法

而腫亦愈

一女子患瘰癧因怒兩手顫振面色或青或赤此肝經血虛火盛而生風也用四物加山梔釣藤鈎龍膽草甘草而顫振漸愈乃去膽草與地黃丸間服而痊後因勞心發熱兩手復振用補中益氣湯地黃丸而愈

一小兒患臂癱面色或黃或赤先用補中益氣湯地黃丸尋愈後因怒氣顫振先用補中

益氣湯加釣藤鈎炒山梔又用加味逍遙散加釣藤鈎而愈又因飲食停滯吐瀉酸臭更加發搖用五味異功散加釣藤鈎而愈

一女子患流注發熱而顫此肝脾氣血不足經水過期虛火生風之症也先用補中益氣湯加釣藤鈎漸愈又用加味地黃丸而全愈一女子不得繼母之心久而鬱怒遂患顫振面赤發熱先用加味小柴胡湯次用加味歸

脾湯及加味逍遙散前後間服而尋愈但面色時青又用地黃丸逍遙散而安

一女子腹癰患此手足或急或緩先用四物加柴胡山梔丹皮釣藤鈎以養血清肝火又用地黃丸以滋腎生肝血而愈

方見前
各症

